



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

11. De Satisfactione.

urn:nbn:de:hbz:466:1-40916

De satisfactione.

C A P V T X I.

TErtia pars materiæ huius sacramenti, est satisfactio. Circa quam aliqua consideranda occurunt.

Primum est, quid ipsa sit. Est autem satisfactio, ut in præsenti sumitur, offendæ præteritæ quoad poenam recompensatio. In cuius declaratione aduertendum est, cum culpa remittitur in sacramento Pœnitentia, non semper datur tota pa-nam. Sunt enim in mortali peccato duo, scilicet macula, & crea-tus poenæ æternæ. Per sacramentum generaliter abstergitur macula: per gratiæ infusionem etiam auferitur poena, sed non semper tota; sed manet poena temporalis in hoc mundo, ut in purgatorio soluenda. Et hoc determinatur in Concil. Tri- fisi. 4. sub Julio 3. c. 8. Hinc fit, ut post confessionem, & absolu-tiōnem, quibus culpa quoad maculam remittitur, sequatur satis-factio.

Secundò aduertendum est tria esse, per quæ potest fieri hac recompensatio, ut oēs communiter tenet, ieiunia, orationes, eleemosynas. Per ieiunium, non solum oportet intelligentia borum abstinentiam, sed etiā omnia opera penalia corporis, & disciplinas, corporis castigationes, peregrinationes, & alia huiusmodi. Per orationes etiā, non solum meditationes, ut preces vocales, sed etiam opera spiritualia intelligimus, & mis-sarum celebrations, per prædicationes, lectiones, & alia huiusmodi. Per eleemosynas etiā intelligimus non tantū peniarum largitiōes, sed alia opera misericordia corporalia, visi-tare infirmos, incarceratos, consolari pupillos, & alia huiusmodi. His omnibus fit satisfactio Deo pro poena debita peccatorum.

Tertiò aduertendū est, esse duplēm satisfactionem, alteram, quæ fit per opera imposita a Confessario pro satisfactione alteram, quæ fit per ea opera, quæ voluntarie quisq; assumit sibi. Est autem duplex discriminē inter utramque satisfactionem.

Primum est, ceteris paribus, maioris efficacij est illa, quæ Confessario imponitur, quam quæ voluntarie assumitur. Ieiunias semel pro imposta poenitentia, maior poena, ceteris paribus, remittitur tibi, quam si semel voluntarie ieiunias, quæ illa est ex satisfactione, quæ pars est sacramenti, & ratione sacra-menti magis applicatur virtus Christi in hoc ieiunio in-

posito Dixi, cæteris paribus, quia tanto feroore & deuotione posses illud facere voluntariū, & iam tepidè impositū, vt plus esset q̄ ex deuotione maiori das, quā quod ratione sacramēti.

Alterum discrimen est, satisfactio voluntaria, cūm in peccato mortali sit, nihil prodest ad pœnam tunc, nec etiā quando homo cōsequitur gratiā: v.g. est in peccato mortali aliquis, & vult talis facere pro pœnā, ad quas ex alijs peccatis remissis teneat, verē per talia opera, nec tunc, nec post satisfacit: at vero per ea, quæ imposta sunt à Confessario, tunc, cūm fiunt, non satisfacit: at vero, cūm homo consequitur gratiam, illa præcedens satisfactio consequitur suum effectum, vt dicit be-ne Caiet. verb satisfactio, quia erat pars sacramenti. Sacramētum autem; vt alias diximus, quandoq; post tempus aliquod consequitur effectum: vt sit in accedente factē. Scotus putat quod satisfacit etiam tunc, licet sit in peccato; sed oppositum est probabilius cum communī sententia: solum enim satisfa-cit tunc quoad confessionem, ita quod non peccat denuo non implendo pœnitentiam, nec tenetur confessionē iterare, sed non quoad Deum. Qui ergo pœnitentiam impositam implet in mortali, non tenetur illam reiterare, quia satisfacit Confessario; sed Deo non satisfacit, nisi gratia accedente.

Quarto aduertendum est, quod pœnitenti debet, & tenetur Confessarius imponere pro peccatis pœnitentiam satisfactam, nisi in casu, quo pœnitens non posset acceptare, & adim-pire, quale est tempus mortis urgentis, vel cūm pœnitens nō habet actuale iudiciū in articulo mortis, sed absolu-tur ex præcedenti confessione, vt diximus. Cūm vero moriens tempus habet, & possibilitatē acceptandi, imponi debet, vt si forte vi-xerit, impleatur. Tenetur etiam pœnitens acceptare pœnitentiam, si iusta est a Confessario imposta, aliter non est absolu-tus, vt diximus capite præcedenti. In imponenda autem pœnitentia Confessarius debet considerare grauitatem peccatorum, & ipsorum qualitatem, & personam pœnitentis. Graui-tatem quidem, vt non leues pœnitentias, & pro arbitrio impos-sit, sed grauitatem peccatorum considerando, vt habetur in Concilio, loco allegato: qualitatem autē, vt pœnitentiæ, quācum fieri potest, peccatis contrariæ sint: carnis peccatum, car-nis maceratione castigetur: Auaritia, cleēmosynis: periuria, & blasphemia, diuinis laudibus, & maximē sacerotū frequentatione, pro omnib. peccatis. Personam quidem pœnitentis, vt consideretur quantum persona possit exequi, & quæ: nec

enim pauperibus eleemosynas, nec famulis peregrinationes, nec etiam quæ statui, aut viribus, aut dispositioni pœnitentis repugnant, imponere debet. Quamuis autem, quantum fieri potest, satisfactio iusta, & æqualis imponi debeat, tamen multis de causis Confessor potest diminuere pœnitentiam.

Primò, quando pœnitens accedit nimis contritus. Contingit enim grandis multum de pœna debita afferit.

Secundò, quando est tempus indulgentiarum, vel Jubilei aliquius, quod etiam remittit magnam partem pœnæ, & aliquando totam, adhuc tamen imponenda est aliqua pœnitentia propter consuetudinem.

Tertiò, quando pœnitens est ita imperfectus, ut timor sit, ipsum non acceptaturum pœnitentiam, vel si accipit, non impleturum.

Quartò, quando pœnitens impedimentum habet, vel quia senex, vel quia debilis, vel quia alijs modis non ita potest faciliè tantam implere pœnitentiam.

Quintò, quando alia via iuantur pœnitentia, & satisfactio scilicet, imponendo illi omnia, quæ facturus est bona, & quæ passurus est patienter mala, loco pœnitentiae. Est enim secundum, quod opera alijs debita Deo, si imponantur à Confessario, vel si à pœnitente Deo in satisfactionem offerantur, valit ultra obligationem, cui etiam satisfaciunt. Vnde optimo consilio, in forma absoluendi adiungitur illud, *Quicquid boni feceris & mali sustinueris, sit tibi in remissionem peccatorum, & in augmentum gratie, & premium vitae æterne.*

Imò quilibet benè faciet, si auctus viræ sua bonos Deo offrat, in satisfactionem præcedentium peccatorum: tanta est Dei benignitas, ut opus vnum multis de causis debitum, iam acceptet in remissionem peccatorum. Vnde posset Confessor pro pœnitentia imponere opera alijs debita, vt quod ieiunet tres dies Quadragesimæ, duos tamen tenebarunt ieiunare alijs pœnitens: nō tamen id semper est faciendum. Quando autem Confessarius absolute imponit pœnitentiam, intelligitur de opere alijs indebito, vt cum dicit, ieiuna duos dies, non debet esse nisi dies, in quibus non est præceptum ieiunandi; vt si dicat pœnitenti, ieiuna tali hebdomada duos dies, si ex necessitate aliqua pœnitens non potuit, debet in alia implere, ut tenet Caiet verb. satisfactio Idē etiam de tempore in alijs pœnitentijs dicendum est. Aduertendum est vero, quod unus Confessarius

non debet mutare pœnitentiam impositam ab altero sine causam verò causa est, vel quando videt pœnitentem non impletuisse, & timet etiam non impleturum, vel videt pœnitenti non esse aptam, vel alia iusta de causa, potest eam commutare in aliam prout expedire melius iudicauerit, vel illam etiam minuere: nec opus est ad hoc, ut pœnitens reperat, pro quibus talis accepit pœnitentiam.

Aduerendum sextò, quod potest unus satisfacere pro altero: verbi gratia, in jejunio sunt duo, unum est meritum jejunantis: si enim est in gratia, meretur per jejuniū. Alterum est satisfactio: nam ultra meritum, consequitur, qui jejunat, remissionem pœnae pro peccatis debitæ. Potest unus pro altero jejunare, vel alia bona opera facere, sed quod est meriti, sibi, non alteri dare potest; quod verò satisfactionis, alteri potest dari. Vnde unus pro alio satisfacit, dummodo tamen uterque sit in gratia. Potest ergo Confessarius imponere pœnitentiam pœnitenti, per se, vel per alium implendam, licet non debet facere absq[ue] rationabili causa. Quod si Confessor non id facit, non habet pœnitens facultatem, ut quod a se implendum est impositum, per alterum impleat, nisi necessitas sit, ut propter infirmitatem, vel impossibilitatem aliquam: semper tamē est maioris efficaciam pœnitentia facta ab eodē, quia prodest ad meritum, & ad satisfactionem; facta verò ab alio, ad solam satisfactionem. Hoc tamen unum aduerendum est, quod pœnitentia imposta à Confessore, quamvis, ut diximus, magis proficit, quam voluntariè assumpta, non tamen semper adhuc delet totam pœnam, sed partem aliquam, nisi tam grandis sit, ut totam auferat. Sed humana fragilitas non patitur tales pœnitentias. Ob id, merito indulgentijs, & omnibus bonis operibus viræ iuuamur, & adhuc in purgatorio soluenda post obitum ferimus.

De Absolutione.

C A P V T XII.

Hactenus de materia tam remota, quam propinqua Sacramenti huius loquuti sumus, sequitur, ut de eius forma non nihil dicamus. Est autem forma, *Ego te absoluo à peccatis tuis.* Nec omnia verba necessaria sunt huius formæ ad accessitatem sacramenti. Quamvis enim solum Confessarius